

# SCRIPTA

---

**Numéro Scripta** : 8147

**Auteur(s)** : Jeanne la Dépensière [particulier]

**Bénéficiaire(s)** : Soligny-la-Trappe, Notre-Dame de La Trappe (abbaye)

**Genre d'acte** : charte

**Authenticité** : non suspect

**Datation** : 1237

**Action juridique** : vente

**Langue du texte** : latin

## Analyse

Jeanne La Dépensière, du consentement de sa fille Mathilde et de son frère Richard Le Dépensier, vend à l'abbaye de la Trappe, moyennant cent dix sous tournois comptant, une pièce de terre qu'elle possédait dans la paroisse de Mahéru.

## Tableau de la tradition

### Éditions principales

a. Charencey Hyacinthe (Comte de), *Cartulaire de l'Abbaye de Notre-Dame de la Trappe*, publié d'après le manuscrit de la Bibliothèque Nationale, Alençon, Renaut de Broise (Société historique et archéologique de l'Orne), 1889, O. « De Dispensaria et Maheru », n° XVII, p. 384-385.

Texte établi d'après a

Noverint universi, presentes et futuri, quod ego, Johanna Dispensatrix, de assensu et voluntate Matildis, filie mee, vendidi monachis Domus Dei de Trappa, pro centum et decem solidis turonensium, quos integre habui, totam petiam terre quam habebam in parrochia de Maheru, sitam inter terram eorumdem monachorum et terram Radulfi Quoquart, juxta terram Lamb[erti] Crochet, et aboutantem chemino superiori, habendam dictis monachis in perpetuum et tenendam libere et quiete, ita quod, sine mei et meorum aliqua reclamazione, poterunt ipsi de illa facere suam penitus voluntatem ; quia michi et heredibus meis nichil juris retinui in tota terre petia supradicta, sed eam teneor garantizare dictis monachis contra omnes et a rebus omnibus liberare, vel alibi in eadem parrochia valore ad valorem excambiare, in meo maritagio seu alio tenemento, si garantizare eis et deffendere non valerem. Et ad hoc totum agendum post me heredes meos penitus obligavi. Et sciendum quod Ricardus Dispensator, frater meus, hoc totum sub dicta forma concessit habendum dictis monachis in perpetuum, liberum et quietum, et quicquid juris de cetero ibidem habere poterat et debebat. Et predicta Matildis, filia mea, ad hoc idem garantizandum penitus et liberandum dictis monachis se astrinxit, prestito corporaliter juramento. In cujus rei testimonium et munimen, presentem cartam sigilli mei munimine roboravi. Et predictus Ricardus, frater meus, cum sigillo meo presenti carte sigillum suum apposuit, in hujus rei majus testimonium et munimen. Actum anno gratie M° CC° tricesimo septimo.